

Grønlandsbankenimi misissuineq pillugu nalunaarut

(pinerlunnikkut aningaasarsianik malunnarunnaarsaanermik akiuiniarnermik immikkoortorta)

Aallaqqaasiut

Finanstilsynet Grønlandsbankenimi juni 2024-mi misissuivoq. Misissuineq pinerlunnikkut aningaasarsianik malunnarunnaarsaanermik akiuiniarnermik suliassaqarfimmik misissuineruvoq. Misissuinermi misissorneqarput aningaaseriviup sullitaminut ilisimaarinninnera, matuma ataani sullitat aarlerinaataanik immikkoortiterineq, siunertaq aamma piginnittuut. Ilanngullugu misissuinerup imaraa aningaaseriviup ingerlaavartumik sullitaminik ilisimaarinninnera kiisalu aningaaseriviup sullitaminik nakkutiginninnera aamma aningaaseriviup misissuinissamut, nalunaarsuinissamut, nalunaaruteqarnissamut aamma toqqorsinissamut pisussaaffinnik attassinera.

Aarlerinaatinik naliliineq aamma eqikkaaneq

Aningaaserivik Kalaallit Nunaanni suliffeqarfimmik ingerlatsivoq, tassani Namminersorlutik Oqartussat inatsisiliornermi oqartussaasuupput. Tamanna isumaqarpoq, aningaaserivik suliassaqarfinni arlalinni, matuma ataani pinerlunnikkut aningaasarsianik malunnarunnaarsaaneq pillugu suliassaqarfimmi, malittarisassanit Danmarkimi atuuttunit allaanerusunik malittarisassaqarmat.

Aningaaserivik Kalaallit Nunaanni aningaaseriviit annersaraat, Nuummilu qullersaqarfeqarluni.

Aningaaseriviup qullersaqarfiata saniatigut Kalaallit Nunaanni illoqarfinni minnerusuni tallimani immikkoortortaqaqarpoq, Nuullu avataani kisimi aningaaseriviulluni. Immikkoortortaqaqarfiit saniatigut nunaqarfinni 50-it missaanniittuni KNI-p nunaqarfinni pisiniarfiini (Pilersuisoq) kontomik pilersitsinissamut, aningaasanik tigusinissamut aamma kontomit kontomut nuussinissamut periarfissaqarpoq Illoqarfik-Nunaqarfik-Bank-systemimik (BBB-system) taaneqartup ataani.

Finanstilsynet nalilerpaa, aningaaseriviup pinerlunnikkut aningaasarsianik malunnarunnaarsaanermut imaluunniit pinerliiniartunik aningaasaliinermut atonerlunneqarnissamut aarlerinaataa akunnattumit qaffasissumut inissisimasoq.

Naliliinermi Finanstilsynet immikkut pingaartippaa, aningaaserivik annertunerpaatigut nalinginnaasumik aningaaseriviup nioqqutaanik neqerooruteqartoq kiisalu pingaarnertut sullitai Kalaallit Nunaanniillutik. Aningaasanik nuussinerit pillugit suliassaqarfik, pinerlunnikkut aningaasarsianik malunnarunnaarsaanermut aamma pinerliiniartunik aningaasaliinermut aarlerinaammik annertunerulersitsisumik imaqaartoq, annertusutut isigineqarpoq, tassani nunami immikkut atugassarititat Illoqarfik-Nunaqarfik-Bank-systemimik atuineq pisariaqartuutimma, aaqqissuussaaniikkut aarlerinaammik imaqarsinnaasoq.

Misissuineq tunngavigalugu suliassaqarfiit aalajangersimasut nakkutilliinikkut qisuariarnermik pilersitsipput.

Aningaaseriviup naammaginangitsumik sullitanik ilisimanninnermut ataavartumik suleriutsini naammassisimavai, matuma ataani sullitap atugarisai attuumassuteqartut allanngoraangata, aamma akuttoqatigiissaanik, aningaaserivik tamanna pillugu ukiuni arlalinni suleriaaseqarsimangimmat.

Taamaasilluni aarlerinaateqarpoq aningaaseriviup maannakkut sullitaminut paasissutissaatai eqqortuunatillu naammaginangitsut. Tamanna pingaaruteqarpoq, sullitamut atassuteqarnermik aarlerinaammik naliliineq allangorsimasinnaammat, taamaasillunilu sullitanut ilisimasaqarnissamut suleriaatsinik suliaqartarnerup akulikissusaasa nalilersoqqinneqarnissaannut pisariaqartitsineq allangorsimasinnaammat.

Taamaattumik aningaaserivik peqquneqarpoq sullitanut atassuteqaatit tamarmik ingerlaavartumik sullitanut ilisimanninnissamik suliaqarfigineqartassasut, tassani sullitap aarlerinaataa aallaavigalugu, matuma ataani sullitamut pissutsit attuumassuteqartut allangoraangata. Tamanna aamma atuuppoq sullitanut, aningaaseriviup paasissutissanik suli nutarsaavigisimangisaanut. Aningaaseriviup kvartalit tamaasa naanerani Finanstilsynimut ilisimatitsissutigisartussaavaa, aningaaseriviup ingerlaavartumik sullitanik ilisimanninnermi suleriaatsinik nutarsaanermut pilersaarutini eqqortinnerlugu.¹

Aningaaseriviup qulakkeersimangilaa, naammagingartumik annertussusilimmik sullitat siunertai kiisalu qanoq issusissatut siunertai pillugit ilisimasanik nalilersuillunilu aallernissaq. Aningaaseriviup ilanngullugu qulakkeersimangilai paasissutissat, sullitap sullitanik ilisimanninnissamut immersugassami allassimasai kiisalu paasissutissat, aningaaseriviup sullitanik ilisimanninnissamut systemimut nalunaarsukkani naapertuunnersut, tamanna paasissutissat pitsaassusaannut naammaginangilaq. Ilanngullugu Finanstilsynip nalilerpaa, aningaaseriviup naammagingartumik annertussusilimmik sullitat paasissutissat tunniussaata isummerfigineq ajoraat, matuma ataani paasissutissat eqqortuunersut.

Taamaasilluni aarlerinaateqarpoq, aningaaseriviup sullitani naammaginangitsumik ilisimagai, aamma/imaluunniit aningaaserivik sullitani pillugit systemimi eqqunngitsunik paasissutissaateqartoq. Tamanna pingaaruteqarpoq, sullitanut ilisimanninneq kiisalu paasissutissat pitsaassusaat, aningaaseriviup nuussinerit pasinartut paasinissaat siunertaralugu sullitanik sunniuteqarluartumik nakkutilliineranut, isumaqarluinnarmat.

Aningaaserivik taamaattumik peqquneqarpoq, aningaaseriviup naammagingartumik annertussusilimmik niuernerme attaveqaatit siunertaat aamma pissarsiarineqarfissaat pillugit paasissutissanik aallertarnissaa, matumalu ataani aningaaseriviup sullitanik ilisimanninnermi systemiminut paasissutissat ikkussami pitsaassusaasa qulakkeerinninnissaa.²

Aningaaseriviup aarlerinaatinik immikkoortiterisarnermut ilusiliaa naammaginangilaq, ajornanngippallaarami kiisalu sullitamut ataasiakkaamut pissutsinut tunngasut paasissutissat pissutsillu attuumassuteqartut tamaasa ilanngunneqanngimmata. Ass. ilusiliami immikkoortinneqanngillat, nunanut sorlernerut sullitap nuusserusunnersoq. Tamanna isumaqarpoq, aningaaseriviup ilusiliaanik sullitap, nunamut Naalagaaffiup avataaniittumut, nunamut appassissumik aarlerinaateqarfiusumut nuussisoq, sullitatut nunamut Europa-Kommissionip nunat qaffassissumik aarlerinaateqarfiusut allattorsimaffianniittumut nuussisutut pointeqartinneqassammat.

Taamaasilluni aarlerinaateqarpoq, aningaaseriviup aarlerinaatinik ataasiakkaanik oqimaalutaanerata nassatarigaa, aningaaserivik niuernerme aamma aarlerinaatinik takussutissamik eqqortumik aalajangersaangitsaq. Tamanna pingaaruteqarpoq, aningaaseriviup tamanna aallaavigalugu sullitanik ilisimanninnermik suleriaaseq naammassisussaammagu, matuma ataani taassuminnga naammassinnittarnerup akulikissusaanik aalajangersaassalluni.

¹ Pinerlunnikkut aningaasarsianik malunnarunnaarsaasarneq pillugu peqqussut § 10, nr. 1

² Pinerlunnikkut aningaasarsianik malunnarunnaarsaasarneq pillugu peqqussut § 11, imm. 1, nr. 4.

Aningaaserivik taamaattumik peqquneqarpoq maannakku aarlerinaatinik pointilersuinermit ilusiliani allanngoqqullugu, matuma ataani aarlerinaatit ataasiakkaat oqimaalutartarnerat allanngoqqullugu, taamaasillutik sullitat aarlerinaataat eqqortumik immikkoortiterneqassammata. Aningaaserivik matuma kingorna sullitanut tamanut nutaamik aarlerinaataasunik nalilersuissaaq, sullitat eqqortumik uppernarsagaasumillu tunngaveqartumik aarlerinaatitigut immikkoortiterneqassasut, kiisalu pinerlunnikkut aningaasarsianik malunnarunnaarsaanermit aamma pinerliiniartunik aningaasaliinermit aarlerinaammut atatillugu sullitamut naammaginantumik ilisimaarinnittoqassasoq. Aningaaserivik tassunga atatillugu pilersaarummik nassiussissaaq, qaqugu sullitat tamaasa pillugit aarlerinaatinik nalilersuinermit nutaamik nassiussinissamut naatsorsuuteqarnerluni.³

Aningaaseriviup ilanngullugu, sullitanut qaffasissumik aarlerinaateqartutut naliligaasunut sullitanut ilisimaarinninnermi suleriaatsinik sukannernerusunik naammassinnissimanngilaq. Aningaaseriviup taamaasilluni sullitanut, akunnattumik aamma qaffasissumik aarlerinaatilinnut sullitanut ilisimaarinninnermi suleriaatsit naammassissarai. Taamaasilluni aarlerinaateqarpoq, aningaaserivik sullitanut naammaginantumik ilisimaarinninngitsoq, tamanna pingaaruteqarmat pinerlunnikkut aningaasarsianik malunnarunnaarsaanermit aamma/imaluunniit pinerliinianut aningaasaliinermit aarlerinaat annertusisaaq killilernissaanut.

Aningaaserivik taamaattumik peqquneqarpoq sullitanut, aningaaserivimmit qaffasissumik aarlerinaateqartutut immikkoortinneqarsimasunut, naammaginantumik sukannernerusumik sullitanut ilisimaarinninnermit suleriaatsinik suliaqarnissamut.⁴

Naggataagut aningaaserivik peqquneqarpoq, aningaaseriviup sullitanut, naammaginantumik kinaassutsimik uppernarsaanngitsunut matusisarnera, tulluurtuunersoq aamma sunniuteqarluarnersoq nakkutiginnissaanut. Tamatumunnga tunngaviuvoq, aningaaserivimmi sullitanut siunnersortit nammineerlutik periarfissaqarmata sullitat, naammaginantumik kinaasussai uppernarsarneqanngitsut mattunneqarnerisa atorunnaarsinnissaannut. Taamaasilluni aningaaserivimmi aarlerinaataammat sullitaqarnissaaq, aningaaseriviup nioqqutaanik sullissinerinillu pissarsisinnaasumik, sullitamut atassuteqarneq sulii naammaginantumik uppernarsarneqanngikkaluartoq.⁵

³ Pinerlunnikkut aningaasarsianik malunnarunnaarsaasarneq pillugu peqqussut § 11, imm. 3.

⁴ Pinerlunnikkut aningaasarsianik malunnarunnaarsaasarneq pillugu peqqussut § 17, imm. 1.

⁵ Pinerlunnikkut aningaasarsianik malunnarunnaarsaasarneq pillugu peqqussut § 8, imm. 1.